



39186

kat.komp.

I Mag. St. Dr. P

*Assertiones Theologicae
de ineffabili M. Trinitatis mysterio.*

Febr. 2934.

S

R

I

P
O

Fr

A
S

C.
D.
P.

B9, D. 40, 1, 100

TEGME N

In Ardore solis Aquinatici,
MYSTERIVM
SANCTISS: TRINITATIS

Peragrantis;

SVB VMBRA

REVERENDISSIMI AC RELIGIOSISSIMI,
Pariterq; SAPIENTISSIMI PATRIS,

F. PHILIPPI

à SS: TRINITATE,
PRÆPOSITI GENERALIS
ORDINIS PP. CARMELITARVM DISCALCEATORVM

Congregationis S. ELIÆ,

Prioris S. Montis Carmeli.

Pro tunc in Polonia feliciter hospitantis.

DEFENSIONI

FR. FERDINANDI JANVSZOWSKI,

Sacrae Theologiae Studentis formalis.

SVB DIRECTIONE

A. R. P. F. IOANNIS WAXMAN

S. Theol: Magistri, Studij Generalis Cracouiensis REGENTIS

Opportunè Oblatum.

CRACOVIAE, Typis Baltasari Smieszkowicz, S. R. M. Typographi.

Disputabuntur in Conuissima Trinitatis die 25 Iunii 1666 Hora 2da
Pomeridiana.

BIBLIOTE: UNIV.



CRACOVIAE

IN STEMMA SACRÆ RELIGIONIS. CARMELITANÆ.



Carmeli quæ clara micant insignia Montis,
Cum DOMINICE Tuo stemmate fædus habent.
Illa ferunt ternos stellati luminis ignes,
Luce sacrâ radians sidus, & ista ferunt.
Candidus igniuomo Carmelus fulgurat ense,
Fulgurat ignito flammeus ore canis.
Lucet Vterq; animis, flammæ accendit Vterq;
Ore quod ille docet, vindicat iste manu.

39186 T

REVERENDISS: PATRI

P. F.

PHILIPPO

SS: TRINITATE,
PRÆPOSITO GENERALI

FF. CARMELITARVM DISCALCEATORVM
CONGREGATIONIS S. ELIÆ,

Priori S. Montis Carmeli,

Fr. FERDINANDVS IANVSZOWSKI S.Th : Studens Form.

D. D. D.



*V*incula iucunda arefactis præ siti faucibus, gelida lymphæ
est: sic in ardore solis obambulanti, haud iniucunda sub
tegmine aliquo, opportune oblato, umbra censetur: refi-
cit illa fauces arefactas, recreat hæc, delassatos artus,
utriq; alterutrum, interdum utrumq; amicum est: quia
amicam exhibet consolationem. Id ipsum interim Ge-
nerale studium nostrum est, in cursu Theologico aliquatenus lassatum, oppor-
tunam quærens & prospectans umbram. Summus quippe ardor est, solis A-
quinatici, mysteria potissimum Sanctissimæ Trinitatis peragrans. Quis
est qui illius sub fervore currens non lassetur? Cuius solis tantò maior ar-
doris vis est, quantò, quod ille in alijs accendit, comburit in alijs; majus est.
Operatur quæ vult, iam dura difficultatum in aliorum mentibus molliendo,
gravia sursum attollendo, frigida ac rigida ad calorem & vigorem, suaviter
& fortiter deducendo, rursus aliorum ferrea corda magis indurando, frigida
stipando, gravia deprimendo. Nostrum sanè studium tanto sub sole (qui jem-
per extra nubes est) onere difficultatum de SS. Trinitate lassatum, non


aliud

aliud prater quam astum sentit. Sub hoc onere, satis angustis conspiciui laceris, gembant Augustini; Immortalis gloria titulo celebres, sudabant Athanasij; in murum fortissimum Arianis, se opposcentes, respirabant Hilarij. Quo se declinet ut aliquantum fessos refocillet artus, dum cogitat; TE REVERENDISSIME æque ac Sapientissime Pater, opportune oblatum videt Vbi quieti vacet commodius? Plurimis Tu sub Sole currentibus, commodissimas umbras effecisti, cum doctrinae suae radios nimium splendentes, & mentis humanae oculos perstringentes Tua modesta lucubratione temperasti. U PHILIPPVS Apostolico munere insignis, quondam ex Magistro suo: ita ex Te multi de Patre luminum (ut videntes eum dicant. Et sufficit nobis) dum exquirunt, eundem vident. Qui videt Te commentaq; Tua in Doctorem Angelicum edita; Patrem in Filio, & Filium in Patre, & in utroq; ab utroq; procedentem Spiritum Sanctum videt. Dulce illis Tecum sit commercium necesse est, Quibus eleuata conuerſari cum Superis mente, volupe est. Vtpote qui nihil in vita iucundius censes, quam Angelico Doctori fidum esse Achatem. Et cui aptius una cum Tuo castissimo & sapientissimo Ordine ad Seraphicam, cum Seraphica Matre sublimato excelsitatem adhaereas, quam Angelico Doctori? nempe speciebus non alibi quam suo sub genere potior locus est. Verè Tu es PHILIPPVS cum quo CHRISTVS in Patribus & Fratribus Tuis sapius communicando, querit, PHILIPPE unde emerimus panes ut manducant hi? quos Tuo sub Regimine foves & sustentas. Habes Tu praesto panes, quos Tui manducantes, ita abundè saturantur; ut etiam orbem uniuersum micis pascant, & nutriceantur. Panes Sanctitatis & Sapientiae à tanto tempore illis frangendo porrigis; quos illi mirabili metamorphosi in suam substantiam transmutantes, orbi in stuporem sunt. Quid ni itaq; nostrum studium, Tuâ in Polonia omine felici, aduenientis, hodierno in actu astum declinet sub umbra? Quid ni suauiter quiescat? Quid ni tandem iucundè oblectetur, donec astus difficultatum deferueſcant? Qui-escit & oblectatur. Tu magnam sparge umbram, nec ipse ullam in vita Tua, quam Tibi diuturnam Ecclesiae & Sacrae Religionis bono exoptamus, aduersitatis umbram experire.

Reuerendissimæ Paternitatis Tuae

Deuotissimus & humillimus seruus.

FR. FERDINANDVS IANVSZOWSKI



ASSERTIONES THEOLOGICÆ,

DE INEFFABILI SANCTISSIMÆ TRINITATIS MYSTERIO

I



Atur in Deo processio, secundum quam una Persona procedit ab alia, quam D. S. ratio probat. Quicumq; intelligit, ex eo quod intelligit, procedit aliquid intra ipsum, quod est conceptio rei intellectæ, ex vi intellectiua proveniens, & ex eius notitia procedens.

II.

Doctores Sancti ratio, uniuersaliter vera, circa obiectum connaturale & proportionatum, circa quod non supponitur productum verbum per eandem intellectionem; ita quod sensus sit, omne intelligens suum obiectum connaturale, ex hoc ipso, quod intelligit, producit verbum; si per eandem intellectionem productum non fuerit.

III.

III.

Conceptus Processionis Actiuz, non consistit formaliter & adæquatè in relatione termini producti; Nec in relatione principij significata per modum actus & operationis; Sed consistit in absoluto, vt modificato relatione principij; passiuæ verò in absoluto, vt modificato relatione termini.

IV.

Processiones Diuinæ Actiuz; sunt verè actus intellectus & voluntatis. Ita, vt ne quidem virtualiter, vel ratione nostra cum fundamento ab intellectione & volitione distinguantur; sed solum quatenus addunt intrinsecè super intellectionem & volitionem habitudinem ad terminum productum; non tamen particularem & propriam rationem actus vel operationis.

V.

Fides docet dari in Deo generationem viuentium, strictè sumptam. Hæc autem est Processio Verbi: quæ ob solam Identitatem intelligere cum esse intelligentis dicitur generatio.

VI.

Propter Processionem Verbi in Diuinis, ponitur Processio Amoris. Sicut enim per actum intellectus ita per actum voluntatis producitur aliquis terminus intrinsecè manens in voluntate.

VII.

VII.

Certum est Processionem Amoris in DEO, nec esse, nec dici debere generationem. Cuius non alia ratio, nisi quòd terminus eius formaliter, seu ex vi suæ Processionis non accipiat naturam Diuinam.

VIII.

Cum non nisi duas actiones immanentes in DEO agnoscamus; nec plures Processiones agnoscere oportet, quarum distinctio non est numerica tantum, ad eum modum, quo duæ formæ eiusdem speciei distingui solent, seclusis imperfectionibus; sed veluti specifica.

IX.

De fide est, in DEO dari Relationes Reales, quæ non prædicantur de DEO per modum inhærentis; sed per modum ad aliud se habentis. Relationi identitatis ita comparantur, quòd per huius modi relationes, non diuersificetur substantia; sicut nec per relationem identitatis.

X.

Relationes non solum secundum quod dicunt In, seu secundum quod includunt essentiam; sed etiam secundum quod dicunt Ad, vel secundum quod nostro modo intelligendi superadduntur Essentiæ Diuinæ, sunt aliquid reale.

XI.

Relationes Diuinæ nec realiter, nec modaliter, nec formaliter ex natura rei, ab Essentia Diuina distinguuntur; bene tamen ratione ratiocinata, seu Virtualiter.

XII.

Relationes Diuinæ non solum adæquatè acceptæ, verum etiam prout dicunt In præcisè, dicunt infinitam perfectionem prout verò dicunt Ad præcisè nullam dicunt perfectionem vel imperfectionem. Ex quo sequitur, in Deo non esse concedendas tres perfectiones relatiuas.

XIII.

Sicut vnum tantum est Esse Essentiæ in Deo, ita & Existentiæ. Et sic Relationes non adferunt secum proprias existentias relatiuas, virtualiter ab Existentiâ absolutâ distinctas; sed eâ existunt, quâ existit Essentia Diuina.

XIV.

Quatuor sunt in Deo relationes reales: Paternitas, Filiatio, Spiratio Actiua & Passiua. Paternitas, Filiatio, Spiratio Passiua realiter ab inuicem distinguuntur; id quod etiam constat de Spiratione Actiua, respectu passiua. illa verò respectu Paternitatis & Filiationis, solum virtualiter distinguitur.

XV.

XV.

Persona in communi rectè definitur á Boëtio, quod sit Rationalis naturæ indiuidua substantia. Quod nomen Personæ idem est ac Hypostasis in natura rationali, adeo ut ipsum quod dicit Hypostasis in genere substantiæ, dicat Persona in natura rationali.

XVI.

Nomen & ratio Personæ, conuenienter Deo tribuitur. Ejus significatum non est secunda intentio: neq; negatio communicabilitatis, sed aliquid reale & positium. Hoc autem significatum non est sola Essentia, sed & Relatio. Hæc quidem in recto; illa in obliquo.

XVII.

Necessarium est concedere in Deo Subsistentiam Absolutam & Essentialem: præterquam, etiam concedendæ sunt tres Subsistentiæ relatiuæ, realiter ab inuicem distinctæ.

XVIII.

Remotâ reuelatione supernaturali, intellectus humanus non potest assentiri mysterio Trinitatis; quin nec mente suâ illud apprehendere, eo modo, quo apprehenditur á fidei: immò nec intellectus Angelicus solo lumine naturali suffultus, poterat suspicari in Deo esse pluralitatem Personarum,

XIX.

Esse innascibile est proprium Patri, ita quidem vt per esse innascibile specialiter innotescat. Hoc secundum quod est specialis notio Patris, est formaliter negatio, & solum connotat positium.

XX.

Hoc nomen Verbum, propriè dicitur de Filio DEI. Ita quidem vt ratio Verbi, soli Filio conueniat. In cuius ratione non solum respectus ad Patrem, sed & ad creaturas importatur.

XXI.

Verbum Diuinum procedit ex cognitione omnium, quæ sunt formaliter in DEO: & consequenter non solum Essentiæ, & attributorum, sed etiam omnium Personarum perse. Item ex cognitione omnium creaturarum possibile, non tamen ex cognitione tam absolutè quàm sub conditione futurarum.

XXII.

Imago non dicitur Essentialiter in Diuinis, sed Personaliter: cuius ratio, Filio; non Spiritui Sancto, verè & propriè competit: idq; respectu solius Patris, à quo vt distinctus procedit.

XXIII.

XXIII.

Necessè est dicere Spiritum Sanctum non solum à Patre, verum & à Filio procedere: à quo si per impossibile non procederet, distinctione reali ab eo non distingueretur.

XXIV.

Non obstante, quòd Pater & Filius sint vnum Principium Spiritus Sancti; potest dici, quòd Spiritus Sanctus, procedat à Patre, per Filiū, vel quòd Pater spiret per Filiū.

XXV.

Relatio Spirationis Actiue vt virtualiter distincta à Patre & Filio, non est principium quod Processionis Spiritus Sancti; cum etiam vt taliter à Patre & Filio distincta, non sit subsistens.

XXVI.

Constitutium formale diuinarum Personarum, non sunt proprietates absolutæ, aut origines, seu processionis, & actus notionales; sed Relationes.

XXVII.

Licet Personæ Diuinæ realiter distinguantur: non tamen referuntur adinuicem, relatione reali æqualitatis. Hinc relatio æqualitatis inter diuinas Personas, non est relatio, realis; sed rationis.

XXVIII

XXVIII.

Conuenit alicui Personæ Diuinæ mitti, non solum prout missio importat habitudinem missi ad mittentem; sed etiam prout Missio importat habitudinem ad terminum missionis, Est autem Missio: Processio originis à mittente cum nouo modo existendi in alio.

XXIX.

Missio non solum est processio æterna, nec solus effectus temporalis; sed pro utroq; supponit, & utrumq; importat: in recto quidem ipsarum Personarum originem; in obliquo nouum effectum in creatura productum.

XXX.

Missio inuisibilis, fit solum secundum dona gratiæ gratum facientis; non verò secundum alia dona supernaturalia. Quando verò sic mittitur Persona diuina, non solum datur ipsius gratiæ donum; sed & ipsa Persona secundum substantiam suam.

BIBLIOTHECA: VNICA



JAGELLONICA



Bg. 1. 10.

prout
ed e-
mif-
cum

ectus
npor-
in o-

atum
ralia.
datur
oftan-

